

西渡集全

洪玉父著

彭文勤校

西渡集

五

洪芻老圃集
四庫已著錄
咸豐初武林韓
小亭列入玉函
堂叢書撰以後

雙井四洪所著今傳世者惟玉父此集而已卷中庚戌舊廬傷懷一首
乃疊丙午遷居韻而遷居詩近在卷末殆出後人板拾非原編也校
以鮑氏知不足齋鈔本別有補遺四首今錄入戊申立夏芸楷記

書錄解題本一卷鮑本作二卷而篇數不合

石湖院

古木參天水一潭潮來曲折可藏舟招提密映晴嵐起滄海潛通夜氣浮丹
荔薦盤鴛北窗青罇供饌識炎洲方艮江左知名士不作乘桴浩蕩遊

道遙閣

傑閣龍樓倚翠微中秋午夜坐清暉桂枝委地三子又相影垂墀四十圍蕭鼓
或疑風雨下雲霓猶如錦帆飛只今井臼依然在不見歸來丁令威 南昌府志

月夜登滕王閣

桃花亂打散花樓南浦西山送客愁為理伊州十二疊緩歌聲裏看洪州菊坡集話

洪玉父舍人有詩見曰小九知書能為洪檢閱洪甚愛之嘗月夜登滕王閣洪賦詩云後因兵亂
失之洪悵恨不已又和前詩云云此觀已而洪復尋得其人

再任秋書少監

再入蘭臺逢舊史重遊東觀閱新書家徒四壁今無屋誰為君五奏子虛合在玉車額後集

西渡詩集卷第一



江西



洪炎玉父



己酉歲十一月二十六日避寇至龍潭院十二

月十五日作



徑轉橫橋木林深寺拗山鐘魚告圓絕松竹媚孱溪
避地欣有托依僧成暫閑東歸路不隔片石隴雲還

又

窳兀山椒寺披榛二百年刹從吾祖卜席是里僧傳
溪送無盡水林供不斷烟囊中有餘粒假息且安眠

又

潭黑蛟龍宅山青虎豹林
隱憂何日了淹泊見冬深
薄雪恨還積踈梅冷不禁
平生一樽酒衰病廢孤斟

又

殺氣纏中土妖徵出秦堦
駕橋凌禹穴投策暗秦淮
匪兇歎何苦非熊願亦乖
申胥雖有淚無地寄予懷

又

宵旰憂雖切咨謀策彌長
築壇推騎劫假節得糜芳
已矣重江險哀哉古豫章
蓬茅今在否矯首恨難忘

次韵鄭公實見贈二詩

鄭侯風槩似虞薰醉飽初疑對
苾芬一日君嘗南浦
水六年我踏寶峯雲詩情賦物已
聞命山色溪光僥
見分群盜何曾念王粲相逢聊喜
見斯文
百濯生香真寶薰中冷取水挹清
芬素娥影落秋宵
月白雀翎翻春晝雲俗客來依禪
客住林花自與雨
花分扶傾不假迂儒力敢倚羊端
能綴文

宝峰讀駒父壁間詩次其韵

兔迹通一線筍輿度千尋
隔林見潭影迎客有鈴音

梵貝出廣殿飛舞來珍禽履此勝絕境一清塵慮心

又

仲氏趣玄遠造詣非尺尋誰云干戈際獲覩金玉音
七日南山霧一鳴幽谷禽依然拂塵壁愁絕見予心

次韵公實感寓

求田問舍轉頭空十口無家寄粟蓬得失自憐嬰世
徑是非都欲問天公綿口不解溪邊雨浙口無情松
下風賴有詩人排悶作且吟佳句任窮通

次韵公實雷雨

驚雷勢欲拔三山急雨如聞倒百川但作奇寒侵客
夢若為一震靜胡烟田園荆棘漫流水河洛腥羶今
幾年擬叩九閔戕帝所人非大手筆非椽

次韵公實喜晴

凍雨連三日春膏過一犁寺橋杯渡水村徑橈行泥
燠若生暘谷寒收豈石犀欲窮洪範理夕室有青藜

又

持璧還投鵲鎔金恨作犁行吟乘曉日扶杖入春泥
願學懷文豹終慙禿角犀徒歌無好語野飯只羹藜

馮太冲置酒即事公實韻

故人同客寓蕭寺近清明春事一尊酒夜闌三尺檠
風流孔北海文字漢西京苦勸加餐飯來年太瘦生

山中聞杜鵑

山中二月聞杜鵑百草爭芳已消歇綠陰初不待薰
風啼鳥區區自流血北窓移燈欲三更南山高林時
一聲言歸汝亦無歸處何用多言傷我情

寶峰筍用公實韻

繞寺千林笋高低逐澗丘參差書鳳尾窠兀長籜頭

入鼎資甘脆殘林且罷休會須堪小鼎裁作海乘浮

公實示闕字韻詩悵然有感次韻奉和三首

晴暉生燠雨生寒朱夏陽春季孟間斷雁哀猿金馬
客落花流水石門山早知蟻穴成何事欲掉漁舟去
不還昭氏有琴無作止虧成都剩一機闕

輟哭人歌行路難畏人無地出人間欣逢北海孫賓
石猶是江南庾子山野草離離隨意綠群鳧泛泛倦
飛還一川烟草松蘿外何處梯雲叩九闕

此國非燕南趙北我琴無濮上桑間勞生聊作夢中

夢苦語莫酬山復山觸石白雲數峯起照人明月一
鈎還德星已為荀陳聚紫氣休浮函谷關

漢末童謡燕南垂趙北際中央不合大如斫惟有
此間可避世

載酒邀公實同過西園食枇杷次公實韻

有美枇杷子三珍共一時朱櫻梁苑早盧橘蜀都遲
載酒寧辭病窺園似好奇酬君要佳句從古未題詩
公實再賦枇杷之什次韻二首

連雲葱蒨外佳樹枇杷林味極東南美恩知雨露深

山夫琢栗玉谷鳥避丸金永日羈棲意茲焉一慰心

又

醴醕尊中酒枇杷雲外林甘餐千顆盡軟語一盃深
老境宜扶杖交情得斷金遺民伐荻去真處即吾心

公實作暴雨詩次其韻

民生唯播殖天意在農深一夜益傾雨千家粒食心
知時占聚蟻催種有鳴琴禽喜是田間語青心刺水鍼

次韻即事二首

自愧山林士未炊蕭寺烟怨驚寄猿鶴飛躍任魚鳶

咄々空中字昏々醉後眠摘文非孟子何以差狂顛

又

寄榻逢僧夏登場喜麥秋一風將決月四月尚重裘
去矣吁何及歸歎幸少休雨晴寒自戢桂魄更添愁

次韵野步

意行無遠近山徑月橫斜煙月生晴嶺風幡接暮霞
影歸巢幕燕声散宿林鴉徒履相隨處僧垣即是家

遊都梁山

風吹古渡口雲滿都梁山執熱厭偏仄幽尋上孱顏

清泉似石乳滴瀝岩竇間乞此一瓢飲為却千載煩
山靈知我意殷然下層峦散空作急雨扶石作甘寒
一酌蕩齒頰三咽縈肺肝輕軀變滯骨塵鞅思靈關
來當踏雲至去當御風還再拜謝神休幸汝不我慳

四月二十三日晚同太冲表之公實野步

四月山轟々野田々近是人烟遠是村鳥外疎鐘靈隱
寺花邊流水武陵源有逢即畫元非筆所見皆書本
不言看挿秧栽欲忘返杖藜徒倚到黃昏

野步

散策尋溪偶緩行
羈栖愁眼忽雙明
非煙幕、平蕪
合倒景層、遠翠橫
鷗鷺低飛映山去
江湖一諾百
金輕直知己
造洞天内
身在人間却自驚

石門中夏雨寒

五年胡騎穢中原
四月江南尚薄寒
八月誰能移太
白來朝我亦見呼韓
濯壇風雨行將戢
陋巷簞瓢且
自寬紅日冉中天
地正泥塗不辱漢衣冠

次韵即事一首

端居入夏愁更新
不數多愁過一春
躡虛雜同若士

去取醉但與索郎親
朝天幾日車同軌
擊地同唱胡
無人自許世才非
管樂聊將心事比
雷陳

嘗白酒用糜韵

竹葉榴花久擅場
一尊雲液勝椒漿
人唯任達常中
聖藥自消憂不作
狂滿泛冰甕無別色
錯斟瓶水有
真香祇應剩醞
逡巡酒始耐仙山
日月長

唐成歲六月四日至洪城舊廬無復尺椽
悵然

傷懷用丙午歲遷居韵

南州一炬火我歸無所歸
六月下驚湍一葉正復歌

空城何所有城闕雙闔扉遺氓四五輩
睥眦出鳥棲潭口大都府灰滅餘空基
委重者誰子汝寔凡且卑蝼蟻輕民命
泥塗指國賞犬狼肆噬嚙殿逐乃其宜
胡為使群吠如惡蔓艸滋衰哉三萬室
鍾此百六期故居不可識將是復疑非
階前手種花自憐託根微露草相對泣
吟風作悲詩人言城門火魚禍自靡遺
我亦無淚哭且復一解頤

病間和公寔飲酒詩

憂每傷人亦自憂花蒙兩眼雪蒙頭干戈滿地不可

觸簾笠為家何處浮秋入鳴蟬催暑去
酒如凝露與清謀寫來庾信江南賦更續
相如老倦游

戲和公寔感秋對酒

青山愛客長青眼白酒知時泛白雲
少日悲歡總一瞬中星寒暑又平分
稻梁狼藉棲餘畝雀鼠穿窬自立勲
一葉已驚秋意早映階黃落更紛紛

次韵公寔七月一日雨感懷二首

平生離俗得閑多素髮驚秋奈老何
賓從盤飧唯白石意行供帳有青蘿
御風獨往松三迳踏月空歸雪

一蓑短布單衣窮至骨醉吟不作飯牛歌

日愁隨萬緒多遣愁不去若愁何文書引睡繡黃
卷福地求生訪綠蘿酒厭銀瓶聊注瓦衣辭錦襖却
披蓑五更風雨作金石助我貫珠商頌歌

注韋莊蜀程汜入嘉陵道上如行青蘿帳中福地
記武陵有綠蘿福地与桃花源相接

將去寶峰誦老杜更欲投何處賦五言三首

更欲投何處乾坤老病身窮愁但有骨棲泊渺無津
岩穴探幽數人烟隔幾秦驅車上九折回首想傷神

又

更欲投何處窮猿不擇林低回竹柏語慘戚鐘魚心
邑口出門淚行口度嶺吟西江如可吸在處海潮音

又

更欲接何處仙山不可窺欲尋吳許跡默与倚園期
裹飯隨妻子清秋問路期神真有汲引逸駕或容追

又基絕句二首

新秋遣悶只圍碁病不銜盃亦廢詩對局蕭然兩無
語箇中君子有爭時

鷺落寒江鴉野^點汀晴窓飛電擊槩聲方圓動靜随机
見清暈踈簾眼倍明

又

白日惟銷一局碁攬碁還誦李侯詩傍觀不作千年
計會有局成柯爛時

碁局醒心過博局碁聲娛耳勝琴^聲少年此戲殊不惡
坐隱時聞夜達明

再賦奕碁五言八句五首

荆璞^玉為子井文楸作枰有求惟別墅不喜得宣城跼

跼飛鳶墮丁^口伐木聲破愁逢一笑無地著虧成

又

祇園三日雨碧洞一枰秋試問酒中趣何如林下出
從他着虎口尋我鎮神頭惟悟爭先法當機与手謀

又

不作丹朱戲難禁清晝長敢言白玉局聊取紫羅囊
甬道空傳記乘除自有方兒童爭畫紙漫學老夫狂

又

眉山非快手矣勝六欣然變態一翻覆幾微繫後先

陶公慮太過雪女慧堪憐張弛誠吾道斯文許爾賢

又

凝神迷遠躅致一有全功皎々婦姑月冥々鴻鵠風
置君愚甯子議樂哂温公誰謂高山老飄然到橘中

越王山二首

朝登萬仞崗夕宿雲霞間越王昔何時稅駕宅此山
山巔有石壁室險絕未可攀烟樹相映帶尚想飈車
還文吳二仙子騰蹕跨兩班俯仰五百秋下視悲人
寰王室久蕩析世路方孔艱我尋真人居荷鋤支管

林泉依福地樵汲闔靈關庶以遠兵革返茲後死顏

又

越王名茲山無復車馬跡絕頂有佳處軒然大磐石
靈洞閟其中神地蕩其側雲氣朝夕生合散一瞬息
吾聞王子搜隱遯辭越國王輿去不返丹竈鏤荆棘
二仙出季世故老猶記識遺踪落人間不稽傳宝墨
我晞伯夷清願作老聃役脫身埃壘外揀喝望三益

嶺雲

吾居半山上繞屋猶峻嶺峯頭即見之坐卧作墻屏

忽復不可求
瀕洞雲萬頃
初疑岸谷變
身不踐人境
俄頃如故常
寔不在屋頂
隱見須臾間
變態莫記省
煙霞成痼疾
終日常烟_二
早因金丹訣
未辨卜灶井
世亂一丘壑
斯志或可逞
鳴猿落空岩
翥鶴颺晴影
石泉漱芳潤
草木皆秀整
洞天有歸路
未往心已領
從宝峰長老
惟足求菹笋

不識蒲頭筍
還思馬祖山
庭蘭生旧茁
綉錦換新斑
蘊玉爭懷宝
登盤想沃餐
分甘須剝斲
遠助一瓢單

食榧子

若_{石一作}榴資彭糧
榧寔伐彭兵
三彭穴身中
各以尸
自名伺隙戕
所託睢盱為
已榮仙山無
凡木榧林高
且清八月寔
纍_二斗量亦囊
盛盈盤得恣
餐不與汝
粮并嗟汝小
點爾安所逃
汝生蚤瀆黃
老書五牙漱
琅英雖微玉
山果知汝久
已行喪亂食
不足長飢病
所嬰蟠桃未
能致椽栗庶
可營作詩頌
子榧期子以
主盟

十月十五日山中下視雲氣自山椒出已而滌

漫咫尺不辨岩谷戲成五言一首

一歲下元日千山小雪天雲層生遠壑雨海割平川
放牧虛橫吹樵蕪衆靜眠遙知載酒客無路到齋前

十月十六日

雲氣依然合山蹊旧不通
齏塩猶可問牢醴頓能空
細覽泉声外疎籬犬吠中
無人披宿霧採藥過龐公

南城鄧氏亭

小麥青々山一曲江南千里傷春目
盱母江頭喚渡人遙指麻源第三谷
裹塩包飯各匆匆回首烟霞棲

觀中詩成更覓羊何和猶是前身内史公

遊麻姑仙山都觀

范露出南郭遵塗眇西嶺
幽尋不憚遠涉嗽造殊境
懸瀑瀉天路高齋跨參井
麻姑固神人上下凌倒景
逸駕不容追遺踪搏塵影
仙壇獨巋然蘚蝕此山頂
古屋鳴鴉鷓汙池浴蛙黽
葛顏有異聞源委邈難省
空餘豐碑字欵若狓驥逞
永言賞心遇所采塵務屏
濯纓歆自取斲鼻還思郢
安得斯人徒置論挈裘領
聖真豈遠而烟々金在鑛
九渊孕明月七返閻神鼎

至道如可求汲深願修綆

靜思院上元日二首

麻姑山換越王山憶昨下元今上元
老去休驚長客寓春來不擬問田園
畏途豺虎中原近挾日風雲四海昏
夢遠蒲湘無落處憑誰楚些與招魂
欲趨嚴蹕萬重山且酌清尊慶改元
穡事何時銷劍戟賢書不用到丘園
傷心華屋燈如畫觸眼荒塗犬吠春
今日江東須管仲可憐窮寇尚追魂

雲漢院

水竹依山住烟霞並舍分
愁添中夜雨冷浸一溪雲
滿目干戈地關心鳥獸群
歸途如可問猛犬莫信口

二月十二日偶成

金溪東行二十里高即登山下臨水
亂山中斷水橫流水際招提對山起
丹青像設半泥塗野僧一飯無鐘魚
散策閑尋筍蕨芽密林時逢桃李花

信州逢寒食

客行寒食路春晚上饒城野寺烏烏樂
山蹊荆棘生人隨乘雁去地隔一牛鳴
候首征途內官曹何日清

題盛彥光丘壑軒

盛子卜居南澗濱
開軒自比葛天民
一丘一壑有能事
三浴三薰無俗塵
閑逸人同執射偶
逢漁父亦垂綸
此軒成毀吾何預
畫著岩間恐未真

代簡呈信州李使君

萬斛誰能破客愁
一尊風味乏醇醲
中丞自許憐漁父
禹上無端住督郵
必使索郎頻有願
也知歡伯解消憂
蘄州刺史詩盈卷
還憶山僧冷病不

曉發鵝湖

萬松參嶺路千畝
動春耕不復紅鵝
下空餘碧澗橫
佛高穿縹緲仙馭
鏢崢嶸道釋分殊
境監輿許我行

古田縣

勾吳於越通舟車
南走甌閩城百餘
鑿山架橋窮奧區
班春不行猶一墟
此邦自與桃源並
不能深藏即人境
五百年間閱戰爭
淳樸散盡狙詐生

次韻和公古田縣丞方景南見惠詩

昔聞石鼓鳴今作石鼓遊
擊拊久已息甲兵殊未休
精庐莊嚴海百室雲霧浮
維時當長夏蕭颯如涼秋

疎慵我以海鷗閒
文彩大如霧豹斑
不省流離且樂土
深知鄉土愧高山
但飛乳燕聲
打拍小叩華簾
夢心還共看
園基欲終日
長年初在
玄談間

高崖不見日老木枝相樛靈泉發故嵌竇下注千仞
溝向來徑行人頗以名字留俯仰百年內磨鐫遍岩
幽石橋可坐卧清絕無等儔衆山合沓來響答相獻
酬維逢會心欣未弭當世憂不知稽山上復有勝處
不六飛尚東巡狐兔穴中州戈鋌塞河洛冠蓋集閩
甌墜此吹雪國烈火爛不收炎飈方焚輪赫曦欲停輶微生類焦
穀茲焉得依投一乘凌風翰濯纓天漢流

初食生荔枝

六月寓閩山初逢荔子丹皺紅分顆凝白作團

品目無誠限珍甘擬亦難不勞走馬使安坐得加餐
又

獨擅東南美誰知十八娘笑顰俱有味朱粉不迷香
璀璨珠生掌清冷露入囊風流瀟第一飮在每難忘

秋日登萬歲寺平遠臺次糜韻

山川信美自愁多嶺海途窮可若何倦客難尋越絕
句畸人但唱郢中歌天香不入伊蒲塞佛水猶開優
鉢羅還是浮雲韜白日鳳皇臺上一經過

戲次韻和了信上座

天公下觀戲魚龍分披敦物隲岱宗塵沙欲枯罔響
眼酒醒醒難澆磊塊會稽之南曰罔海東行万里因
雄風二兒得邑古長樂意擬分治三山中門張崔羅
即我室弔影不識求羊蹤擔簦挾卷者誰氏捉筆言
詩有此公紛二道傍皆杏李辛酸交攻無復理入林
初聞蒼藟香知味自覺醍醐美今時杜陵見老人他
日湯休望吾子我觀蓬壺總一水桐栢羅浮相對起
赤烏銜符得寶書青鳥拂簷來報喜君能無事如懶
殘吾兒儻不慙張底

題團團圖

一老滅塵慮七兒同靜綠鏡超法界觀身作地行仙
男女非殊相丹青亦浪傳襄陽聚首話猶是在家禪
社日宇文德和送酒次糜韻

羈遊苦似澤藏山老境難希柔駐顏日二尋春穿窈
窕行二止渴漱潺湲忽逢歡伯來傾蓋無數愁城盡
斬関多謝天公愛狂客九衢忙裏独偷閑

次韻許子大王豐父圓明送春之什

鷓鴣能愁物外人芳菲聊借夢中身要知瓊办非凡
肯信有金庭不盡春伯雅相將浮鴨綠素娥應供踏

蟾銀休驚鶴，麗句同仙授。王許逆來侍，帝宸

次韵许子大李丞相宅牡丹芍藥詩

山丹麗質冠年華，復有餘容殿百花。看取三春如轉影，折來一笑是生涯。倚羅不妬傾城色，蜂蝶難窺上相家。京國十年昏病眼，可憐風雨落朝霞。

福州程使君止戈堂二首

甌山閩海兩高深，幕府同開闕古今。堂號止戈賢守意，郡名長樂聖君心。行看賣劍為農器，即有飛鴉集泮林。比日東南是洙泗，喜闻絃誦發清音。

蹴梁山谷有頑民，電掃風除一聚塵。排闥江山千里眼，滿庭桃李四時春。定知當宁思龔遂，政恐攀輿借寇恂。誰是諸侯老賓客，酣歌應許杜陵人。

回師川諫議至潭州作建除字詩十二韵迓之

建武下詔書海嶠，識明主除吏得陽城。所喜逸民拳滿腹，懷徑綸筆間含露。雨平生相期，心中與尔乎取定。交自疇昔契，潤及再暑執熱子。南來五月憇漳浦，破啼成一笑預置風月。俎危言倘可陳，正學當盡吐成虧。在須臾得失，宜熟教收功謝王魏，取道迹傳呂

開茲衆正路慰彼蒼生苦
閉關拒他盜暖拂席招巢
許

坐上呈師川有懷駒父

上坡諫議立清班
入奉威顏咫尺天
仲氏三山久
憔悴徵君五嶺亦
迢迢欣逢白雀歸
華表更想黃熊出
羽淵客舍一尊雙
淚落相陪里社復
何年

師川見和再用元韻

河洛中秋已凜然
甌閩八月尚炎天
方懷許國忠言
切不計歸途道里
遭子產未能忘季
札太阿應更待

龍淵樹人樹木有明筭
誰謂百年同十年

鉛山縣石井院

兩年再踏鉛山路
今日初嘗石井泉
碧玉岩邊淪湯
餅全勝五鼎擊肥
鮮

初入浙中

松竹籠官道牛羊食
野田岳山低送客
蕩水遠含天
乍聽吳兒語初逢
僖父船平生足未
歷聊以慰華顛

又

我生豫章內游宦在
京華百粵非吾土
三吳亦尔家

客星巖瀨釣西子越溪紗一洗眇昏眼如乘上漢槎

又

山村柿栗熟客舍稻梁秋池足能言鴨蹊多喘月牛
如聞息戰鬪剝欲起歌謳鼓檝臨江誓誰為祖豫州

立秋日上饒郡偶成二首

承明非厭直衰疾自投閑江漢蒸炊內盤盂嗒哈間
層冰萬里夢渴帝九重闕願借搏風翼追游物外山

又

平生逃暑飲病着不濡唇熨齒甘瓜冷流匙香粒勻

加餐雖意決對案已眉顰却欲^歎庶頗老猶為善飯人

盛彥光次韻見和復用前韻因以自歎

星織烏同織雀閑鷗亦閑問君離俗久何事落人間
木伏秋無暑殘敲畫掩闕寒泉聊洗耳清冷似吾山

又

涼颺將透齒烈火謝焦唇^織授^二應簪珠顆^七勻
隱憂我獨柴淺爰換深顰更上藐姑射問途冰雪人

夢中作四言用前韻

事有愛怕語分忙間左右前後外內中間青雲千里

紫氣浮関五星東井微臣北山
鶴、珍腿猩美唇醴齊調造芍藥和勻老商嘻笑西
施解顰倦龜若士翳桑餓人

再次四言韵

執虎入圈繫駒在閑志六合外身十畝間組繫單于
泥封函関柴我叢桂淮南小山

當是魯兄
衛弟禁山

魯衛兄弟真齒親唇倚伏相因否泰惟勻履兹銀虞
慎厥笑顰水清見石天定勝人

再次四言韵

入聖有域存誠以閑德不德上才不才間堂上不糞
門設常関郵哉丘垤覆實為山
編貝皓齒含朱絳唇甄陶圓熟琢削細勻不笑不言
倚席以顰高略有此為若而人

秋分月偶成

洪崖山下一矐儒碧玉岩邊抱病時夫永日脩然無
復事共欺憔悴鬼揶揄

曾仲共和予春日登滕閣詩蓋舊詩也復次韵

西江東畔見江樓江月江風萬斛愁試問海潮應念

我為將雙淚到南州

蠟梅

見江樓下蠟梅花香撲金尊醉落霞獨倚東風如夢
覺一枝春色別人家

人日

開歲逢人日吾衰不夢周家書生遠恨客舍起離憂
朔雪驚南眼江梅笑隴頭誰能結彩勝一為散春愁

鐘乳

鐘乳宜為粉扶衰老所便緘藏鵝管細治鍊玉光堅

石髓誠難值雲腴恐浪傳刀圭聊已疾未敢議真仙
葉少益出示鄭先覺閱駿圖為作長歌

丹青得名曹將軍畫馬已來無後人諸生韓幹受肉
法絕足亦傳沙苑真儒林望即李公麟曹韓復生能
與隣心胃可納天西極純素頻空冀北群鄭生晚識
李侯比自許筆端輕萬里山川初出大宛城翰墨猶
沾渥洼水汗血歎沙指頤間霧鬣風鬣卷中起戲成
十馬皆龍材前有飛黃後山子葉公好尚有祖風苦
愛真龍似西龍千金不惜市駿骨睥睨神物秋毫中

英雄嘗聞妾換馬意氣欲將詩換畫詩工畫妙兩奇
岷谷量馬觀未論價公詩自是生驂駟恨公不身親
李侯恨公不向來曹韓空白頭

和曾仲共大風折木歌

疾風岌業土囊口陽崖中裂陰崖吼南山喬木大百
圍頃刻剪伐如斷臼修枝偃蹇擲龍蛇直幹崩山塞
岩岫干雲蔽日掃地空掣電奔霆翻覆手山靈掩泣
惋惜深匠石含悲涕洟久折臂而公黥而王精金當
鎔玉當剖斷木刻為浮海航路指銀河上牛斗委餘

猶得宮殿材瑣細亦蒙梁棟取萬斛之舟可勿論大
厦併蒙此焉有狂飈卷空欲奚為壽弊金石長不朽
天生大材將有用幸逢相因孰先後嗟尔乾楓與枯
柳摧朽為薪尚誰咎

楚州阻水漲懷汪信民呂居仁二士四言

大江北理長淮西逝厥隩射陽城邑嶽峙鑿渠而漕
首淮江尾舳艫岍峨連樞千里青雀翩彩虹寢
梁躅舟躋限茲潢水昔我至止得二國士簞瓢相樂
汪呂氏子于今幾年乖隔生死梗泛萍飄乃復于此

菱花淨吐鷺羽徐起如欲我留眄
此喜俯仰山川感念成毀一瞬
千古寓非予耻

春奉送駒父師川二郎中赴召四言

火中暑退庠伏在婁赫熾方炎
金石欲流之二大夫服章纓纓
文昌臺即祇命是憂中江有舳
中塗有輶風檣雨穀長夏為秋
白雲在天萃如岩立倏忽西東
不我告謀翻口者鵠俯矚魚游
將逝復止矯影河洲嗟予去國
三葛于休止車生耳永謝鳴騶
揮袂江干長嘯林幽

遷居

從宦三十載故山凡幾歸昔歸
尚有屋再歸已傾欹今歸但喬木
竹落荆薪扉上為烏鳥都下為
鷄犬栖相從東北隅三畝以為
基積塊與運甍寔窪而培卑成
茲道傍舍空我橐中貲堂室敢
安即戶牖適所宜嘉樹三四株
當窻發華滋馨香入懷袖似與
遷徙期我今六七十老豈不知
前非咨謀愚見捨就列筋力微
窳食奉祿祠永負伐檀詩松楸
幸在望隣曲不見遺葛巾隨里
社庶以保期頤

次韵公寔与用中夜話

賢哉鄭圃客去為五漿驚解榻棲雲表
開窓納水聲
忽逢京國旧相對夜燈明歎息胡証老
猶思摘鉄漿

補遺

玉女峰

玉女何時見茲峰独挺群古容餘佛座
虛室但鑪薰
林隱投壺電山藏出岫雲自慚非屈宋
欲賦不成文

